



## ПАША ДИСЦИПЛИНЫМ ПЕНГЫДЕМДАШ

СССР Верховный Совет Президиумын „8 часан паша кечыш да 7 кечан паша арняшке вончымо нерген“ 26 июньшто лукмо Указшым пүтын Советский Союзысо шемер калык кугу куанымаш дене вашлийын. Правительствын тиде у законжым чыла честный пашазе, колхозник, служащий да интеллигенций шокшын саламлен, шке пашаштым эше утларак чот, уло кумылышт дене ышташ тунгалыныт. Вет тиде закон — нунын интересыштым аралыше, нунын паша инициативыштым, энтузиазмыштым эше утларак нолта, чыла прогульщик, летув, рвач-шамычлан мучашым ыштен.

Пүтын тувя кудымшо ужашыжын ик ужашыштыже классдыме социалистический обществом ыштен шуктен, коммунизмын волгыдо вершинышкыже ушанлын кайше героический советский калыкын самырык поколенийже — комсомол — шке элже капиталистический окруженийште улмым ик часланат, ик мивауланат огеш мондо. Шке родинажын оборонный куатшым эше утларак пенгыдемдышаш верч кучедалмаште кеч могай жертвыланат эре ямде улеш. Тиде ямде улмашыжым тудо, паша дисциплиным пенгыдемдымашке, паша производительным кугемдымашке вижтарыме законным уло кумылжо дене шокшын саламлен, шке пашашкыже пугыракат куатлын пажмыже дене Ленин—Сталин партиялан эше ик гана рашак ончыктыш.

Мемнан элнан кеч могай пашан участкылаштыжат Ленинско-Сталинский комсомол эн чапле пример-шамычым очыктен да кызытат ончыкта, шке радамыштыже шукто герой — шамычым куштен. Коммунистический партиянын эн лишыл помощникше улмыжым комсомол кеч могай пашамат честно, добросовестно ыштымыж дене ончыктен шога. Тиде шотышто Марийский республикысе комсомолат моктанен кертеш. Марийский республикысе комсомол шке радамышты-

же боец-орденоносец, учитель — орденоносец — шамычым, депутат — шамычым, стахановец-шамычым ятырак куштен. Кузе вара нуно чыланат тыгай чапле лумым налын кертыныт? Нуно кажныжат шке паша участкыштышт честно, добросовестно ыштенят, ни могай нелылык деч, ни могай йбсылык деч лудде, уло кумылышт дене шке пашаштым шуктенят. Садлан нунын пашаштым партия ден правительство аклен да орден — шамычым пуэн.

Комсомол шкенжын чапле енге-шамыч дене, шкенжын чапле пашаж дене моктана. Но тудо тидын дене гына ок тыплаве, шкенжын пашаштыже эше у сенымаш-шамычым шушаш верч уло куатше дене кучедалем.

Ленинско-Сталинский комсомол шке радамыштыже прогульщик, летун, рвач-шамычым, паша дисциплиным лустараш тбчыш-шамычым вигузеат огеш чыте, нунын вастареш решитель-но кучедалеш. Паша жапыште прогулым ыштыше, пашашке вара шокшын кошшо, советский законом пудырташ тбчыш А. М. Смышляев гай комсомолецым (Ровнинский Осоавиахим райсовет секретарь), Н. Гребнева гай комсомолкам (Оршанский район, маслозавод), К. З. Шалагина гай комсомолкам (Пектубаевский район, УНХУ статистик) да комбайнер А. С. Поздеев гай комсомолецым (Пектубаевский район) Ленинско-Сталинский комсомол ок чамане да чамавашат ок тунгал.

Паша дисциплиным пенгыдемден, паша производительным кугемден, пашашке пүтын рвезе вижым, энергийым чумырен, шкенан родиналан кеч могай тушманымат сенгашлан танкым, пушкым, самолетым, винтовкым эше шукур-рак пуаш—теве Ленинско-Сталинский комсомолын эн чапле боевой задачиже. Тиде чапле задачейштен шукташлан комсомол эшеат куатлын кучедалаш тунгалеш, шке радамыштыже паша дисциплиным эше утларак пенгыдемда.

## ЖЕЛЕЗНОДОРОЖНИКЫН ВСЕСОЮЗНЫЙ КЕЧЫЖЕ НЕРГЕН

СССР Совнарком железнодорожников Всесоюзный кечыжым пайремлымашым 1940 ий 30 июль гыч 4 август—рушарняшке кусараш пунчалын.

Ончыкшым железнодорожников кечыжым август тылзын первый рушарняштыже пайремлаш.



Йошкар-Олаш эше ик у школа — 10-шо номерн средний школа вашке ыштатт шуэш. Школа ыштымаште комсомолка-шамыч Н. П. Полянина ден М. В. Лобова йолташ-шамыч кечаш паша нормым 150 процентлан темат. Фото М. Чуршуконь.

## Лагерь почылто

Марий-Кужер ялеш (Моркинский район) Ировка энгер воктене 7 июльшто районный пионерский лагерь почылто. Кызыт тыште 120 отличник пионер-шамыч канат. Нунын сайын канашышт лагерьыште чыла условийым ыштыме. Турло модыш, художественный литература, журнал, газета-шамыч ситышын улыт.

Пионер — шамыч чылаже кум отрядлан шелалтыныт. Тыште нуно оборонный значоклан нормым сдатлаш ямдылалтыт, кунамже йоратыме художественный литературым обсуждатлат але тушкан модмашым организаватлат. С. Зчан.

## 6 тылзаш паша план 135,7 процентлан темын

1940 ийын икымше пелняш планым Йошкар-Оласе мельзавод 135,7 процентлан темен. Паша нормым эртарен темымаш мельзаводышто кечын кушкеш. Июнь тылзыште план почеш 750 тоннным йонгыштышаш ыле гын, фактически 1289 тонн шурным йонгыштымо, тыге тиде тылзын планым 171,8 процентлан темыме.

СССР Верховный Совет Президиумын 26 июньшто лукмо Указшым мельзаводысо пашазе-шамыч пеш кугу куанымаш дене вашлийыныт. Ондакше кажне кечын гаяк, прогульщик-

шамыч лийыныт, кызыт пашазе-шамыч шке пашашкышт жапыште коштыт. У закон деч вара первой кечыштак 30 тонн олмеш 49,5 тонн шурным йонгыштымо. Крупчатник В. Панов йолташ 27 июньшто паша нормым 130 процентлан темен.

Тиде пелийыште электростанцийын титакше дене мельзаводышто 869 час простой лийын. Тиде жапым мельзавод яра ок йомдаре ыле гын, тудо шке производственный планжым эше ятырлан темале.

А. Абрамов.

## СОВЕТСКИЙ СОЮЗЫШТО

Львов олаште йоча творчеством ончымо областной олимпиада петырналтын.



Слесарь-комсомолец Ф. Шадрин (шолаште) ден Г. Наумов 8 часан паша кечыште простой путевой шаблон-шамычым ямдылыме заданийым 450 процент гыч темат. Ондакшым нуно шке паша нормыштым 200—250 процентлан гына теменят. Н. Мезенцевын фото гыч.

Тушто 1300 йоча участвоватленят.

Шушенский селашке — В. И. Лениннын ссылышты илыме верыш — Красноярский драматический театрын коллективше толын. Театр Погодинын „Кремлевский куранты“ луман песьшым шында.

Калининский областысе медицинский школаште очередной выпуск эртаралтын. Тушто чылаже 1730 студент-шамыч экзаменым сдатленыт. Нунын кокла гыч 1051 сестра, 392 акушерка, 248 фельдшер да 39 зубной врач.

Материальный культурын Н. Я. Марр лумеш Ленинградский институтшо, йылме да литературы Карело-Финский институт дене пырля, Кексгольм ола воктене акрет годсо

шугарлам изучатлаш экспедицийым колта.



Ф. Э. Дзержинский лумеш куртньо корвын Люблино депосо паровозный машинист-шамыч Александра Колесникова (шолаште) ден Елена Панина. Нуно социалистический пашан мастерже-шамыч школым отлично пытареныт да паровозым вижтарашлан правам налыныт. Б. Вдовенков фото гыч.



## Йошкар-Оласе комсомольский активын погынымашыже гыч

Оячылгече Марийский АССР Верховный Советын заседаний залешыже Йошкар-Оласе комсомольский активын погынымашыже эртыш. Погынымашеш ВЛКСМ ЦК XI пленумын итогшо нерген доклад дене ВЛКСМ обком секретарь Щербаков йолташ выступатлыш.

Комсомолышто паша икмын саямаш дене пырля актив погынымаш ятыр ситыдымаш-шамычым тужвак лукто, утларакшым комсомольский актив дене начар паша ыштым. Актив дене паша утларак ышталтеш ыле гын, комсомол радам кушмаш огеш изем ыле. Май тылзыште 157 еным пуртымо, а июнышто 27 еным гына. Южо комсомольский организаци-шамыч комсомолец-шамычлан нимогай поручениймат пумаш уке. Теве Гоебанк пеленсе организаци-шамыч 9 комсомолец гыч 5 енге нимогай поручениймат огыт иметле.

Комсомольский членский взнос тўлымашат южо организационшыте сай огыл. Проектный мастерской гыч комсомолец Анохин йолташ январь тылзе деч вара членский взносом тўлен огыл. Олаште 40 комсомолец 3 тылзе деч утдалан членский взносом тўлен огытыл. Горздрав пеленсе комсомольский организационшыте тошто секретарже Калатынская йолташ 71 тенгеат 20 ырым, лесной техникумын тошто секретарже Петухов йолташ 94 тенгеат 80 ырым да молат членский взнос оксампке кўлешыштан кучылтыныт.

Комсомольский актив погынымаш комсомолышто тыгай положенийым нигузеат чыташ огеш лиймаш осуждатлыш. Оласе комсомольский организационшыте пашажым ВЛКСМ ЦК XI пленумын решенийже негызеш вож гычак саямдышаш.

Вас. Мих.



30 квартиран пўртым ыштымаште чапле результатом ончыктышо стахановский молодежный бригада. Снимкыште (шола гыч пурлашке): Я. М. Мохов, Н. Я. Григорьев (бригадир) да А. С. Латчин йолташ-шамыч.

Фото М. Чуршуковын.

## Комсомол радамым куштымо шотышто кече еда пашам ышташ

Комсомол — большевистский партийын эн лишыл помощникше. Тудо партийын кеч могай участкыштат ушанен пумо пашажым уло кумылжо дене шукташ тырша. Родиналан, большевистский партийлан да Сталин йолташлан мучашыш шумеш преданный улмыжым ончыкта. Садланак вет советский молодежь уло кумылжо дене Ленинско-Сталинский комсомол радамышке пураш тырша. Комсомол лўмым нумалмаш—тиде пеш кугу почет.

Комсомол радамым кушташлан молодежь коклаште кече еда политико-воспитательный пашам ыштыма. Тиде шотышто первичный комсомольский организационшыте секретарышт да ВЛКСМ райком-шамыч пуртырак кугу пашам ыштышаш улыт.

Туге гынат, комсомол ра-

дамым куштымо шотышто мемнан республикысе посна ВЛКСМ райком-шамыч пашам пуртырак начар ыштат. Тидым икмыняр факт-шамыч дене ончыкташ лиеш. Несоюзный молодежь коклаште политико-воспитательный паша сай ышталтеш ыле гын, ВЛКСМ Ново-Тор'яльский райком комсомол радамыш апрельште 40 еным, майыште 29 еным да июнышто 11 еным гына огыл, а ятыр пурта ыле. 97 первичный комсомольский организационшыте июнь тылзыште ик енгычын комсомолышко пуртат ыле гынат, 11 енлан огыл, а 97 енлан кушкеш ыле.

Звениговский ВЛКСМ райкомат 1940 ийын кокимшо кварталыште 67 еным гына комсомол радамышке пуртен. Кокла шот дене тылзылан 23 ен дене гына кушкын. Параньгинский,



Йошкар - Ола мебельный фабрикын стахановецше — комсомолец Я. И. Костромин йолташ кече еда паша нормым 160 процентлан тема. Пашам чество да добросовестно ышта.

Фото М. Чуршуковын.

## Труд производительность саямын

СССР Верховный Совет Президиумын Указше лекмеш стройтрестын 2-шо участкыштыже пашазе-шамыч коклаште пашашке варах кодын толмаш, прогулым ыштымаш пеш чўкыдынак лийын. 26 июнышто у закон лекмеке стройтрестысе чыла пашазе, служащий-шамыч коклаште тиде законом умылтарымаш пижыч.

Кызыту закон почеш паша производительность палывак нўлталтын. Каменщик-стахановец-шамыч М. Павлов, И. Масленников, Д. Софронов, П. Кропинов ондакшым паша нормым 150—160 процентлан темат ыле, а кызыт нуно кажне кечын 180 процент марте темаш тўналыныт.

А. А.

## У закон действовышты

Подсудимый-шамыч скамьяште — Пектубаевский районсо Народнохозяйственный Учет Управлений самырык пашаенже, комсомолка К. З. Шалагина. Тудо СССР Верховный Совет Президиумын „8 часан паша кечыш да 7 кечан паша арняшке вончымо нерген, пашазе ден служащий-шамычын предприятий ден учрежденийла гыч самовольно каймыштым чарыме нерген“ 26 июнысо Указшым вараушатымаште титаклалтеш.

К. З. Шалагина 3 июлышто пашашке 2 часат 3 минутлан варах кодын толын. — Шкендан варах кодымыда нерген могай показанийым пуэн кертыда? — маннын суд председателин йодмыжлан Шалагина тўрлў семын ойлыш, тўрлў причиным кычал муаш тўчыш. Тудо государство ончылыно шкенжын преступленийжым пушкыдемдаш тўчыш.

— Мый эрдеве 5 часлан кынелым, учрежденийшыте иктат укеда, адак уэш малаш возым. Вара 9 час марте маленам. Мален колтенам гын, мый титакан улам мо? — ойлыштеш Шалагина.

Шалагинан пашашке варах кодын толмыжын причиныже икте гына, да тудо чылахан раш: Шалагинан советский законлан подчинятлымыже шуын огыл, — кунам мием, тунам йўра, — маннын шонен.

Шалагинан пашажым саянын гына колышт налмек, прокурор Пекпаевын мутшо деч вара, суд К. З. Шалагинам 3 тылзе коклаште пашадарже гыч 20 процентшым кучен коден, тошто верыштыжак пашам ыштыкташ пунчалым лукто.

Тиде случай мемнан республикыште але первый гава лийше. Пектубаевский районсо Калык Судын приговоржо республикысе чыла комсомолец ден комсомолка - шамычлан кугу урок лиеш.

Тиде приговор — предприятий ден учрежденийлаште, колхозлаште да чыла моло производствыштат паша производительно-стым нўлталмаш верч, паша дисциплиным пентгыдемдымаш верч, чыла да чыла тўрлў прогульщик ден летун - шамыч ваштареш кучедалаш ўжўш приговор лийын кодыш.

В. Яковлев.

Пектубаево село.



Йошкар-Оласе 30 квартиран пўртым ыштыше пашазе-шамыч обедын перерыв годым газетым йўкын лудмашым кумыл йўлтын колыштыт. Снимкыште: горсоветын депутатше Ф. Ф. Голувин йолташ газетым лудеш.

Фото М. Чуршуковын.

Еласовский, Ронгинский, Сотнурский ВЛКСМ райком - шамычат кокимшо кварталыште 48—81 енлан гына кушкыныт. Сотнурский ВЛКСМ райком нерген поснак ончыктыде огеш лий. Вет район мучко кум тылзе жапыште комсомол радамышке 48 еным гына пуртымаш йўршешак намыс. Сотнурский райком пашаен-шамыч ала районшыто комсомолышко пурташлан молодежь уке манын шонат. Уке, тиде чын огыл, молодежь ятыр уло, нунын дене умылтарымаш паша гына огеш ыштат.

Моло райкомол-шамычат комсомол радам кушмо шотышто моктанен огыт керт. Май, июнь тылзылаште, кодшо тылзе дене тагастарымаште, молодежым комсомол радамышке начар шупшыныт.

Южо райкомол - шамыч угыч комсомольский организационшыте шотышто нимогай пашамат ыштен огы-

тыл манаш лиеш. Теве Оршанский, Косолаповский да Пектубаевский райкомол-шамыч 6 тылзе жапыште кок комсомольский организационшыте гыч гына угыч организаватленыт.

Каждый колхоз пелен первичный комсомольский организационшыте организаватлыме шотыштат паша сай огыл. Ново-Тор'яльский районшыто 190 колхоз гыч 122 колхозышто, Оршанский районшыто 75 колхозышто, Йошкар - Олинский районшыто 91 колхозышто але мартеат первичный комсомольский организационшыте создатыме огыл.

Комсомолышко угыч пуртымо енг-шамычлан комсомольский билетым чыташ лийдымын шуен пуэдымаш факт-шамыч ятыр районлаште уло. Теве Ронгинский райкомол кокимшо кварталыште комсомолышко угыч пуртымо 80 ен кокла гыч улыжат 10 енлан гына билетым пуэн. Тиде мемнан республикыш-

те единичный случай огыл, моло районлаштат тыгай случай-шамыч ятыр улыт. Угыч комсомолышко пуртымо енг-шамычлан комсомольский билетым шке жапыштыже огыл пумаш—тиде комсомол радамым кушмашыжым чаракла.

Молан вара комсомол радамым куштымо шотышто тыгай ситыдымаш - шамыч улыт? Эн ондак—ВЛКСМ райком-шамыч тиде пашашке кумда комсомольский активым шупшынын огытыл, чыла пашамат штатный пашаен-шамыч гоч шукташ тўченит. Весыже — тиде первичный комсомольский организационшыте секретарышт несоюзный молодежь дене пашам пешак шагал ыштат. Ончыкыжым, комсомол радамым куштымо шотышто пашам тыгай положениеш нигузеат кодаш огеш лий. ВЛКСМ райком-шамыч шке пашаштым ВЛКСМ ЦК XI пленумын пунчалже негызеш перестроитлышаш улыт.



## Кажне фуражный ушкалан 3 тонн гыч силосым ямдылаш

### 685 тонн силосым опымо

Оршанка. (Телефон дене). 10 июльлан район мучко чылаже 24 колхозышто 685 тонн түрлө шудым силослан опымо.

Буденный лүмеш колхозышто силосым ямдылыме нерген эн ойдака комсомольский погынымашеш обсуждатлышт.

Кызыт Буденный лүмеш колхозышто 25 тонн силосым опымо. План почеш 30 июль марте кодшо 25 тонн силосыжымат оптен шуктат.

Сталин лүмеш колхоз (Орловский сельсовет) пеленсе комсомольский орга-

низаций силосым ямдылымаште активный участвоватла. Комсомольский организацийын секретарже Лежнин ден колхоз председатель Седых йолташ силосопытымашым моштен организаватлымышт дене, кучык жапыште 25 тонн силосым опышт.

Тыгак Табашинский сельсовет „Ударник“ колхозыштат силосопытымаште комсомольский организаций кугу полышым пуыш. Тиде колхоз кызыт 11 тонн силосым оптен.

Загайнов.

### Вольыккан кормым ямдылат

„Сычевка“ племхозын (Смоленский область) комсомолецше, самырык пашазе да специалистше-шамычын кажне фуражный ушкалан кум тонн дене силосым ямдылаш ужмыштым Йошкар-Олинский районысо колхоз-шамыч шуктен шогат. Теве „Илыш“ колхоз (Русско-Кукморский сельсовет) силосым ямдылымаште ончыл колхозлан шотлалтеш. Таче кечылан тиде колхоз 60 тонн си-

лосым оптен да вынемеш вуд ынже пуру манын, йыр канавым кунчен.

Тыгак „У куралше“ (Азановский сельсовет) ден „17 партс‘езд“ (Шеклянский сельсовет) колхоз-шамычат почеш огыт код. Нуно 12 тонн гыч силосым оптен улыт. „Какшан“ колхозат (Павловский сельсовет) 10 тонн силосым оптен да сайын левед шынден.

Н. Тымбаршев.

### Силос опташ ик вынем гына ямде

Шукерте огыл „Сычевка“ племхозын (Смоленский область) комсомолецше, самырык пашаже да специалистше-шамыч кажне фуражный ушкалан кум тонн гыч силосым ямдылаш ужмаш дене областысе колхозный молодежь деке обратитлалтыныт ыле. Тиде чапле инициативым подерживатлыме шотышто Сотнурский районысо комсомолец - шамыч шоналтенат огытыл. Таче кечылан район мучко „У аз‘ял“ колхозышто гына силосопташлан ик вынемеш

кунченят, а силосшым кунам опташ—пале огыл.

Молан вара Сотнурский районышто силосым огыт опто? Тидым икте дене гына каласаш лиш: ВЛКСМ райком тиде кугу важностян пашашке комсомолец-шамычым мобилизоватлен огыл. Колхозласе первичный комсомольский организаций-шамыч „Сычевка“ племхозысо комсомолец-шамычын инициативыштым подерживатлен, вольыккан тутло кормым ямдылашаш верч кучедалашаш улыт.

В. Б.

### Түрыс ситышаш

Кузнецовский сельсовет „Чолга шудыр“ колхозышто (Ново-Торъяльский район) вольыккан теней шотшым ик гектар йошкар ушменым, ик гектар кечышудым удышт. Ты колхозышто шукерте огыл 25 тонн силосым опышт.

Тиде район „У вий“ колхозышто 36 тонн да „У пасу“ колхозышто 20 тонн силосым опымо. Шушаш ийлап нине колхозлаште вольыккан пукшаш корма түрыс ситышаш.

П. Веденькин.

### Чыла шот денат ямде

ВКП(б) Маробкомын 3-шо пленумжо у шурным погашлан ямдылалтме да поген налмаш шотышто ятыр конкретный задача-шамычым шынден ыле. Тиде задача-шамычым шуко колхоз-шамыч шукташак пижыныт.

Теве „У куралше“ ден „Победа“ колхоз-шамыч (Йошкар-Олинский район) у шурным кучык жапыште да пыркым йоктарыде поген налмаш ямдылалт шуныт. Түредме машина ден лобогрейкым сайын ремонтроватлыме да йурлогалдыме верыш шындыме. Уржам кошташлан идным эрыктыме. Шурно опташлан мешакым түрыс ямдылыме, амбарышат ремонтроватлыме да ошемдыме.

Тыгак „Пахарь“ колхоз ден „Дружба“ колхозат (тиде район) чыла шот денат түрыс ямдылалт шуныт. Мешакым тоштыжым сайын мушмо, ятыр мешакым угыч ургымо. Амбарышат ремонтроватлен пытарыме. Уборкылан ямдылалтмаште посна комсомолец-шамыч сай примерым ончыктат.

Т. Н.



Оласе олимпиадыште руш калыкын „Красивушка“ мурыжым исполнятыше Е. И. Сушенцова йолташ.

Фото М. Чуршуквын.



Калык творчеством ончымо оласе олимпиадын участникше И. И. Борисов йолташ. Тудо Сернурский районысо суан семым сай исполнятыш. Фото М. Чуршуквын.

## Калык творчеством ончымо олимпиада

11 июльышто Маргостеат-реш Йошкар-Оласе шемершамычын творчествоштым ончымо олимпиада почылто. Олимпиадын первый кечыштыже Марпромоу, Копинсоу да Типографиясе самодетельный кружок-шамыч выступатлышт. Эн ондак Марпромоузын пашаенже Сушенцова йолташ „Красивушка“ мурым мурыш. Тудын мөнгө Павлова йолташ башкирский мурым сайын исполнятыш. Олимпиадын ончаш погынышо-шамычлан Плотникова, Чернова, Ядыганова да Козырева йолташ-шамычын Йошкар-Олинский районысо семым куштымышт пугырак чот келшыш. Сад-

ланак вет ончышо-шамыч ружге совым кырен уэш йодыч.

Марпромоу системыште паша ыштыше Борисов йолташ Сернурский районысо суан семым гармонь почеш пеш сылын мурым куштыш.

Копинсоузын хоровой кружокшат „Уж ты сад ты мой сад“, „Мовден ом керт“ да моло муру-шамычым начар огыл исполнятыш.

Пытартышлан Типографиясе пашазе удыр-шамыч выступатлышт. Нунын выступатлыма гыч олимпиадылан пугырак начар ямдылалтмышт рашак пале лие.

Вас. Мих.

## РЕСПУБЛИКЫШТЕ ЗАОЧНО ТУНЕММАШЫН СОСТОЯНИЙЖЕ

Н. К. Крупская лүмеш Марийский педагогический институтышто улшо заочно тунеммаш отделений ик кугу верым налын шогат. Институтын чыла 4 факультетыштыже 800 наре заочник-шамыч шотлалтыт. Утларакшым нуно просвещений пашаен-шамыч улыт.

Заочный тунеммашын кугу важностьшым але чыла заочник-шамыч умлен налын огытыл. Садланак ий гыч ийышке заочный отделений калык просвещенийлан специалист-шамычым пумаште шке планжым огеш теме. Ятыр заочник-учитель-шамыч шке политический да специальный образованийыштым нолтымашке халатно относитлат. Чыла заочник-шамыч гыч пелыже наре ик курсыштак кок ик дене шинчат, тидын дене специалист-шамычым тунуктен лукмаш шотышто планым курлыт, тужем дене утоксам кучылташ заставитлат. Тыгак ий гыч ийын теле ден кенже сессийыш

коштмаш пеш начар. Тиде утларакшым теней тунемме ийыште палын коеш.

Чыла ситыдымашын причинже: учитель-заочник-шамычын шке обязанностишкышт халатно относитлымаште. Шукыжым гын учитель - шамыч, учительский кадр ситыдымаш дене пайдаланен, школлаште учитель-шамыч огыт сите, садыгак паша гыч огыт лук, манын шонат. Тыгай шонымаш кучык жапан курс-шамычым пытарыше самырык учитель - шамыч коклаште шарлен. Кокымшо — районный, республиканский организаций-шамычын, калык образованийын отделышт ден Марийский АССР Наркомпросын сессий жапыште учитель-шамычым эреак кучен шогымаштышт. Тыге кучен шогымаш кызытсе сессий жапыште коеш. Учитель-заочник-шамычлан зарплатым жапыште огыт түлө. Тыште титакан-шамыч але мартеат ала мо шот дене наказатлыде кодыныт.

Мутлан Ронгинский районысо практикант-шамыч Коротков ден Яковлева, Вилотовский неполный средний школа гыч (Елаовский район) Овикова, Скошлова, Яранов да молат 10-шо июльлан зарплатым налмаш олмеш июнын пытаршым кечылаштыже велз налыныт. Юринский, Горно-Марийский да моло районлаштат зарплатым жапыште тудыдымаш кбра сессийыш вараш кодын толыныт. Кызыт кенже сессийыш 640 наре заочник-шамыч да 158 студент-практикант-шамыч толмаш улыт ыле гын, 4-ше июльлан сессийыш 190 заочник-учитель-шамыч да 144 студент-практикант-шамыч велз толыныт. Утларакшым Моркинский район гыч шагал улыт. 41 заочник гыч чылажат 4 ен гына толыныт. Тиде районышто 7 заочник-комсомолец гыч ик комсомолецат сессийыш толын огытыл. Комсомолец-шамыч Павлов, Соловьев, Некрасов ик курсыштак 2—3 ий дене тунемыт.

Южо РОНО, ВЛКСМ райком, начальный ден средний школа союз рай-

ком-шамыч шкеныштын заочникышт тунемме нерген йоршеш нимомат огыт шинче.

РОНО-шамыч у приемым организаватлыме шотыштат начар участвоватлат. Килемарский, Оршанский РОНО-шамыч кунар учитель-шамыч педагогический образованийдыме да заочно тунеммаш дене авалтышаш улыт, тудымат огыт шинче. Кызыт марте чылаже 400 йодмаш да документ-шамыч кұлыт ыле гын, але 208 йодмаш велз пурен. Пектубаевский район гыч педагогический образованийдыман учитель-шамычын 21 йодмашышт лийшаш ыле, а ик йодмаш велз пурен. Мари-Турек гыч 27 енгыште 2 ен гына йодмашым колтен. Нине районласе РОНО-шамыч шке обязанностишт деч корангын улыт. Марпединститутын заочный отделенийже РОНО-лашке кунар йодмаш пурешашым ончыктен, кум гана отношением колтен. Ты паша дене лұмын инструктор-шамычым командироватлыме ыле, но туге гынат южо РОНО-шамыч учитель-ша-

мычлан заочно тунемаш пураш полышым огыт пу.

Тений заочно тунемаш пурмо готым кеч коланат ик права дене приемный испытаний лиш. Приемный условияже нерген заочный отделений шукертат чыла учитель-шамычлан письма-шамычым колтен. Марийский АССР Наркомпрос у приемым организаватлымаште ситышын полшымышыже уке. Наркомпрос лум дене заочно тунемаш учитель-шамычлан письма-шамычым колтен огытыл. Тыгак районласе просвещений ден организаций-шамычланат у прием нергеште пенгыде указанийым пумо огыл.

Кызытсе жапыште мемнан задача — заочный сессийым сай пытараш да у приемым сай эртараш. Тиде кугу задачым партийный ден советский организаций - шамычын полшымышт почеш түрыс шуктышаш улына.

В. Егоров,

Марийский Государственный Педагогический институт пелен заочный отделенийн завучшо.



## ИНОСТРАННЫЙ ТЕЛЕГРАММА

Французский президентын  
отставкыш лекмыже

## У французский конституционный закон-шамыч

Берлин гыч увертарыме почеш, Францийн президентше Лебрен „французский государствн главаже“ постым налше, Маршал Петэнлан шкенжын отставкыш лекмыже нерген заявленийым пуэн. Переговор годым маршал Петэн министр - шамыч советым вуйлаташ шонымыжо нерген да ик жапыштак французский государствн главаже лийын шогымжо нерген заявлтлен. Тиде кызыт Францийн чрезвычайный обстоятельствыште улмыжо годым элым вуйлатымылан личный ответственность нумалаш кўлмō гыч лектын шога маныв, Петэн каласен.

12 июльшто Францийште у конституционный закон - шамычым публиковатьлыме.

Петэн первый конституционный законлан тидым увертарен: тудо шке умбакыже французский государствн главажын функцийм налеш да 1875 ий 25 февральсе конституционный законн кокымшо статьяжым отменятла.

Тиде статьяштыже тыге

ойлалтеш: „Республикын президентше Национальный Погынымашыш ушмо, сенат да депутат-шамыч палата дене эн шуко лийше йук почеш сайлалтеш. Тудо шым ийлан сайлалтеш. Пужен сайлалт кертеш“.

Кокымшо конституционный законышто французский государствн главажын полномочийже нерген ойдалтеш. Закон установитла: французский государствн главаже правительственный властын тичмашлыкше дене обладатла. Тудо тудын ончыло гына ответственный улшо министр-шамычым назначатла да вергычышт коранга, министр - шамыч советыште законодательный властын шуктен шога, закон-шамычым луктеш да нине закон-шамычым пуртымашым обеспечиватла, чыла гражданский ден военный чиновник-шамычым назначатла, военный властын шуктен шога, помилованийлан да амнистийлан правам иметла, да тулеч молат. (ТАСС).

Противопожарный мероприятиим  
илышыш пуртат

„Спартак“ колхозышто (Моркинский район) пожар ваштареш кучедалме мероприятийым илышыш сай пуртен шогат. Кажне колхозникын суртшо пелен печке дене вудым, товарым, ве-  
драм, пагорым да тулеч

моло инвентарь шамычым ямдылыме.

Пожарный сарайыште суткалан смена дене кажне кечын 2 имне дежуритлат. Кызыт сарай пелен у вышкым ыштыме.

З. Кушakov.

Первый номер „Пиалан илыш“  
альманахым обсуждатлымаш

10 июльшто, кастене „Марий Коммун“ редакциеш Йошкар-Оласе писатель, поэт-шамычын погынымашышт эртыш. Погынымаште 1940 ийын лекше первый номер „Пиалан илыш“ альманахыш пуршо произведений-шамычым обсуждатлыме.

Погынымаште марийский поэзий нерген Осмин, проза нерген А. Айзенворт кучыкын обзорный докладым ыштышт. Доклад деч вара С. Н. Николаев, Столяров, В. Элмар, Макс Майн, молат кутырышт.

Тиде первый номер „Пиалан илыш“ альманах В. В. Маяковскийлан посвятитлыме. Маяковскийн ятыр почеламутшым В. Элмар, Шадт Булат, Стрельников, Казаков, А. Бик. марлаш кусареныт. Обсуждений гыч пале: почеламут кусарыме качество ятырак саемян.

Тиде номер альманахыш

пуршо почеламут-шамыч, ойлымаш - шамыч марий литературн качественно ятыр кумшыжым ончыктат, альманах лукмо качестват номер гыч номерыш саемян толеш. Моло жанр коклаште мемнан самырык поэзийна содержанияш шотшо денат, художественность шотыштат чарныде кушке. В. Рожкинын, Чалай Васильин, Анатолий Бикын, Вишневскийн, Антоновын почеламутышт идеяность ден сылнылык шотышто кўшнō шогат. Казаковын „Пушкин“, Рожкинын „Пуйто тые шоget ончыленем“, Бикын „Окна дене шивчен удур“, Антоновын „Мыйын мечтам“, Макс Майнын „Сталин лўм дене“ почеламутышт да Шадт Булатын „Гулбану“ поэмыже поэт - шамычын чарныде кумшыжым ончыктат.

Туге гынат але марийский поэзийыште ик темы-

лан (йоратымаш ден эл аралымаш) возымо почеламут шуырак йонгалтыт. Ан. Бикын, Рожкинын, Чалайын почеламутышт тема шотышто кугын торлен огыт шога, келге шонымаш уке. Нуно утларакшым сюжетдыме почеламутым возат, сай сюжетан сылне поэма але уке. Шадт Булат „Гулбану“ поэмам вашке возен пытара, но моло поэт-шамыч кугырак поэтический произведенийлан але пижын огытыл.

Тиде ийыште прозынат ончык кайымашыже уло. „Пиалан илыш“ альманахышке марийский классик М. Шкетанын печатлалтдыме „Патай ден Сопром“ ойлымашыже лектын. Мичурин Азмейкин, Лекайнын произведенийышт прозаик-шамычын кумшыжым ончыктат. Нунынат але композиций, йылме шотышто ситыдымашышт уло. Тиде альманахыш пуршо ойлымаш-шамыч нерген Айзенворт ик статья возаш лие.

О. Ййван.



Шушаш тунемме ийыште Йошкар-Олаште ик средний школа ешаралтеш.  
Снимкыште: 10-шо номеран средний школым ыштымаш.

Фото М. Чуршукон.

Авиамоделист-шамычын  
состязанийышт эртыш

10 июль гыч 12 июль марте Йошкар-Оласе самырык авиамоделист - шамычын состязанийышт эртаралте.

Состязанийын первый кечыже схематический авиамодель колтымаш дене тўнале. Тыште 20 йоча наре участвоватленыт. Соревнованийын первый кечыже посва йоча-шамычын тиде состязанийышке тыршен ямдылалтмыштым раш ончыктыш.

Володя Морозовын йоча технический станций гыч (схематический авиамодельже 316 метр торашке да воздухышто 50 секунд чонештен. Тудо тиде сорев-

нованийыште первый верым налын.

Гена Бодманов (лесной техникум гыч шкетак участвоватлен) кокымшо верым налын.

Мардежан ийгечылан кўра вес вид-шамыч дене состязаний лийын огыл.

Тиде состязанийлан ямдылалтмаште икмыняр ситыдымаш-шамычат ылыч. Эн ондак, тышке олесе самырык авиамоделист-шамычым шупшмо огыл, нунын дене ситыдымаш пашамыштеныт. Садланак вет 20 йоча велэ участвоватленыт. Кокымшо состязанийыште организовавностят уке ыле.

## Самырык освод-шамычын поход

12 июльшто Дубовый роца лишне Йошкар-Оласе Освод самырык освод-шамыч дене походым организоватлен. Походышто 51 самырык освод-шамыч участвоватленыт.

Походын цельже шлюпкам виктараш тунемаш, водолазын вуд йымалне пашамыштымыжым ончыктымаш. Тидын мōнгō массовый йуштылмаш лийын.

Г. Семенов,

Йошкар-Оласе Освод начальни-  
кын помощникше.



Йошкар-Оласе авиамоделист-шамыч состязанийын участникше Володя Морозов. Тудын модельже 316 метрыш чонештен да у рекордым шыден.

Фото М. Чуршукон.

Первенстволан  
модыч

11 июльшто „Динамо“ стадионеш Йошкар-Оласе „Динамо“ команда ден Волжск олесе „Бумажник“ команда первенстволан футбол дене модыч.

Эн ондак модыш интересный ыле, но икмыняр жап гыч динамовец-шамыч настулпатлаш тўналыч. Динамовец Королев йолташ кум мячым нунын капкашкышт поче-поче пуртыш. Тиде бумажник-шамычын кумылыштым волтыш. Посна модшо-шамыч паникыш логалыч. Кокымшо таймыште кок ег модмаш гыч йоршеш лектыч. Но вратарыш вашталтымылан кўра пуртыш мяч ятыр гана кучалтын.

Первенстволан модмаште динамовец-шамыч 6:0 счет дене сененыт.

Физкультурник  
кече вашеш

21 июльшто Советский Союз мучко Всесоюзный Физкультурник кече пайремалтеш. Йошкар-Олаште Всесоюзный физкультурник кечын добровольный спортивный общество-шамыч, профсоюзный организаций-шамычын спортивный коллективышт да Осоавиахим, Освод, Аэроклуб, РОКК организаций-шамыч участвоватлаш тўналыт.

21 июльшто эрдене 10 часлан чыла пашазе, служащий-шамыч шке предприятийлашкышт, учрежденйлашкышт погынен, организовавно водный станцийыш каят. Тыште 11 часлан митинг почылтеш да 12 часлан физкультурник-шамыч парад тўналеш. Тылеч вара комбинированный эстафета, пуш дене кошмаш соревнований, аттракцион да тўрлō модыш-шамыч организоватлалтыт.

Всесоюзный физкультурник кечым организовано да сайын эртарымаш учреждений, предприятий-шамычын тиде кечылан кузе ямдылалтмашышт гыч зависитла. Садлан посна профсоюзный, комсомольский организаций-шамычлан шке физкультурный командыштым показательныйым ышташ тыршыман.

А. Абрамов.

Трипс ваштареш  
кучедалыт

Удымō йытынысе трипс ваштареш кучедалме мерашамыч нерген ВКП(б) Маробком бюро ден Марийский АССР Совнарком 1940 ий 29 июнышто пунчалым луктыныт ыле. Тиде пунчалым „Йошкар Шернур“ колхоз (Сернурский район) ылышыш пуртен шога. Кызыт 6 гектар йытыныште трипс ваштареш кучедалме мероприятий-шамычым тўрыс кучылтмо.

М. Тымбаршев.

Отв. редакторын заместительже—В. М. БОРИСОВ.